





SANCTISSIMI IN CHRISTO PATRIS  
ET DOMINI NOSTRI

**CLEMENTIS XII.**  
PONT. MAX.  
**CONSTITUTIO**

Qua omnem litem inter Clericos Regulares  
Societatis Jesu, & Pauperes Matris Dei, à  
Scholis piis denominatos, de gravioribus  
scientiis Vilnæ, ab utroque publice  
tradendis obortam, ad se avocatam  
prorsus extinguit, & priorem  
suam hac de re editam Con-  
stitutionem undequaque  
confirmat.



ROMÆ, MDCCXXXIII.

Ex Typographia Rev. Camerae Apostolicæ.

*Teologia pol. 7048.*







# CLEMENS EPISCOPUS SERVUS SERVORUM DEI

*Ad perpetuam rei memoriam.*



Ontificalis officii nostri esse debet lites & invidiosas contentiones inter quoscunque, supremæ curæ nostræ subjectos, ac præsertim ordines Religiosos, interdum obortas, dirimere, ut charismata meliora æmulantes, una omnes in Vineâ Domini laborare satagent, ac proximorum salutem, reætæque institutioni, laudabilem

& Dominicâ mercede dignam operam dare non cessent.

Quum itaque, sicut accepimus, postquam Anno Domini MDCCXXIII. seu alio veriori tempore, Congregatio dilectorum filiorum Clericorum regularium Pauperum Matris Dei, qui à Scholis piis denominantur, in Vilnensem Civitatem canonicè introducta fuisset, à dilectis quoque filiis Clericis regularibus Societatis Jesu, qui Universitatis studii generalis seu publicæ Academix Vilnensis curam gerunt, non licere ibi cuiquam extra eandem Universitatem sive Academiam eminentiores disciplinas & scientias adolescentibus tradere, proptereaque non posse jam dictos Clericos regulares publicas Scholas ibidem aperire, præensum fuerit; hujusmodi præensionibus in Congregationem sanctæ Romanæ Ecclesiæ Cardinalium, negociis & consultationibus Episcoporum & regularium præpositorum, è quorum numero Nos ipsi tunc eramus, ab utraque parte deductis, eadem Congregatio Cardinalium die vigesima septima Mensis Martii Anni Domini MDCCXXVII. referente dilecto filio nostro Nicolao sanctæ Romanæ Ecclesiæ Presbytero Cardinale Spinula nuncupato, decreverit primodictis Clericis regularibus, licere aperire Scholas juxta modum dumtaxat, scilicet inferiores, pro pueris pauperibus, gratis & sine ullo stipendio imbuendis in primis elementis, grammatica, computo, & præcipue in bonis moribus, & fidei Catholicæ rudimentis, ad formam literarum Apostolicarum felicis recordationis Pauli Papæ V. prædecesso-

I.

Summi Pontificis est lites inter ordines religiosos dirimere.

II.

Inter Clericos regulares Societatis Jesu. & Pauperes Matris Dei à Scholis piis denominatos de tradendis publice scientiis contentio Vilnæ oborta.



ris nostri, quæ incipiunt: *Ad ea; interdicta quæstione, & amplius causam non debere proponi* censuerit, & præ memoriæ Benedictus Papa XIII. etiam prædecessor noster decretum prædictum per suas lictas Apostolicas sub annulo piscatoris in forma Brevis die decima septima mensis Martii insequentis Anni MDCCXXVIII. expeditas, Apostolica auctoritate confirmaverit atque approbaverit, prout in decreto ac literis ejusdem Benedicti plenius & uberius continetur.

### III.

Summus Pontifex Clemens XII. particulari Cardinalium Congregationi examinandam committit causam Clericorum regularium Pauperum Matris Dei, eorum privilegia respicientem, & decretum ab eadem Congregatione sanctum pro iisdem Clericis sua Constitutione confirmata.

Deinde vero Nobis divina favente clementia ad beati Petri Sedem evectis cum innotuisset, varias interque se discrepantes sententias ac voces percrebuisse de proprio officio, præcipuoque instituto primodictorum Clericorum regularium, super modo & ratione instituendi adolescentes, eorum curæ commissos, eosdemque in Scholas recipiendi, deque statutis à præ recordationis Gregorio Papa XV. etiam prædecessore nostro, confirmatis, & approbatis, ac de complurium aliorum Romanorum Pontificum, tam sub plumbo, quam sub annulo piscatoris, in dicta forma Brevis, pro dictis Clericis regularibus Pauperibus Matris Dei, editis literis Apostolicis, & præcipue eorundem, Pauli, Gregorii, & Urbani VIII. Alexandri VII. Clementis IX. & Clementis X. etiam Romanorum Pontificum prædecessorum nostrorum, nos quascumque controversias & dissensiones, ex statutorum & literum Apostolicarum hujusmodi vario sensu ortas, & tunc fortasse orituras pro nostri Apostolatus munere de medio tollere volentes, particulari Congregationi Venerabilium fratrum nostrorum Sanctæ Romanæ Ecclesiæ Cardinalium, videlicet bonæ memoriæ Prosperi Marefuschii, eorundem primodictorum Clericorum regularium Matris Dei Protectoris, Leandri de Portia, ac Petri Aloysii Carafæ, ad rem maturo consilio examinandam, tunc per Nos Apostolica auctoritate prædicta instituta, & præviis facultatibus necessariis instructa, commiserimus, & mandaverimus, ut de omnibus & singulis tam in forma Brevis, quam sub plumbo, ut præfertur, expeditis, primodictosque Clericos regulares respicientibus, Apostolicis literis ac statutis prædictis mature perpensis, in subsequencia capita sedulo inquirerent.

*Primo* nimirum, an prædictis Clericis regularibus Pauperibus Matris Dei in suis publicis Scholis, præter scribendi, legendi & computandi regulas, atque etiam grammaticen, scientias majores tradere liceret.

*Secundo*, an ipsi ad easdem suas Scholas pueros etiam divites, Nobilesque admittere possent.



*Tertio*, an in suam curam & regimen, juvenum Collegia, Seminaria & Convictus habere itidem possent.

*Quarto*, quæsitum est, an privilegium Apostolicum eis foret concedendum, ut regulares domos sine aliorum regularium consensu, condere possent, ubi tamen eis pro numero à Constitutionibus Apostolicis præfixo, Religiosis alendis sufficientes redditus citra mendicandi & quæstuandi necessitatem alias suppeterent: quumque Congregatio particularis prædicta die XIII. mensis Aprilis Anni Domini MDCXXXI. habita præmissis omnibus, quemadmodum præceperamus, diligenter inspectis & ponderatis, nemine discrepante, in hanc resolutionem uno ore devenerit, scilicet

Ad *primum*, Clericos regulares Pauperes Matris Dei, qui à Scholis piis denominantur, teneri prima rudimenta Catholicæ fidei, grammaticæ & computorum regulas tradere adolescentulis ad formam Constitutionum ordinis sui; licere etiam eisdem scientias majores in suis publicis Scholis tradere, dummodo tamen apud eos Constitutiones ordinis, quoad Scholas minores, ferventur.

Ad *secundum*, eosdem Clericos regulares teneri admittere pueros pauperes, & licere eis admittere pueros divites & Nobiles.

Ad *tertium*, posse ad formam Capitulorum generalium.

Ad *quartum*, pro gratia privilegii eis concedendi responsum fuit, ad formam scilicet indulti felicis recordationis prædecessoris nostri Clementis Papæ IX. Fratribus exalceatis ordinis Beatae Mariæ Virginis de Monte Carmelo concessi die sexta Octobris Anni MDCLXVIII. Relataque nobis insequenti die per venerabilem Fratrem Archiepiscopum Nazianzenum Auditorem nostrum, quem Nos eidem Congregationi particulari Secretarium assignaveramus, resolutione hujusmodi, quascumque contentiones, discordias & lites, si quæ forsân quomodolibet ubivis locorum super hujusmodi statutorum & literarum Apostolicarum interpretatione & vero sensu contra primodictos Clericos regulares exortæ, & coram quibusvis iudicibus introductæ, & indecisæ pendere repertæ fuissent, aut imposte- rum oriri unquam potuissent, ad Nos & Sedem Apostolicam avocantes, ac penitus supprimentes & extinguentes; ac super eis perpetuum silentium imponentes motu proprio & ex certa scientia, ac de Apostolicæ potestatis plenitudine nostris, resolutionem seu decretum superius expressum & enunciatum, ut deinceps semper & perpetuo vigeret, & ubique locorum à primodictis Clericis regularibus, illorumque Præposito &



procuratore generalibus, ceterisque superioribus & personis quibuscumque observaretur, dictâ Apostolicâ auctoritate perpetuo confirmaverimus & approbaverimus, & ne imposterum quisquam ubivis locorum & gentium contra præmissa novas controversias & dissensiones excitare, primodictisque Clericis regularibus de his molestiam aliquam inferre auderet, quæ à dictâ Congregatione particulari explicata & resoluta fuerant, & à Nobis adprobata, dictaque resolutione seu decreto, continebantur, statutorum & literarum Apostolicarum tam sub plumbo, quàm in forma Brevis hujusmodi, esse verum, germanum. sincerum & indubium sensum, idque omne à quibuscumque etiam speciali nota dignis & vigore Constitutionum Apostolicarum, nostrarumque & Cancellariæ Apostolicæ regularum, specialiter & individue exprimendis, etiam dictæ sanctæ Romanæ Ecclesiæ Cardinalibus, locorum ordinariis, ac quorumvis ordinum, etiam mendicantium & militarium, nec non etiam Congregationum quarumcumque aliorum Clericorum regularium, etiam Societatis Jesu, & cujusvis alterius regularis Instituti personis regularibus, omnino servandum esse: neque eisdem statutis & literis Apostolicis superius expressis ullam aliam interpretationem tribui posse, neque primodictis Clericis regularibus ex suis statutis, literisque Apostolicis, iisdem concessis, præsertim dicti Pauli V. prædecessoris, scientias majores profiteri unquam interdictum & vetitum fuisse; immo etiam in suis publicis Scholis easdem scientias majores adolescentibus cujuscumque ordinis & conditionis tradere & prælegere licuisse & licere, Apostolicâ auctoritate prædicta decrevimus & declaravimus, prout in nostris desuper sub Datum Romæ apud sanctam Mariam Majorem Anno Incarnationis Dominicæ MDCCXXXI. Kalendis Maji pontificatus nostri Anno primo vulgatis incipientibus: *Nobis, quibus*, literis etiam plenius & uberius continetur.

IV.

Clerici regulares Societatis Jesu contra Clericos regulares & Scholis piis denominatos causam trahunt ad Nuntium Apostolicum Poloniæ, qui suam hac de re sententiam pronuntiat.

Et licet primodicti Clerici regulares, quibuscumque dissensionibus & controversiis, per Nos, ut præfertur, de medio sublatis & suppressis, scientias majores adolescentibus cujusvis conditionis & ordinis ubique locorum publicæ & libere tradere posse sperarent; nihilominus ob præensum extraordinarium ab Univeositate seu Academia Vilnensi prædicta recessum, (ut asserbatur) plurium adolescentium, liberalibus disciplinis & scientiis operam navantium, illorumque ad Scholas pias, per primodictos Clericos regulares in prædicta Civitate Vilnensi apertas & exercitas, accessum, pro parte Clericorum regularium Societatis Jesu dictæ Civitatis



Vilnensis, prædependentium, dictas nostras literas eandem Civitatem Vilnensem minimè comprehendere, & decretum per Benedictum prædecessorem jam memoratum, ut præfertur, confirmatum & adprobatum, quasi per easdem nostras literas minimè abrogatum, adhuc viribus subsistere, ac Universitati seu Academia prædictæ, privativè quoad alios quoscumque, graviores scientias tradere competere, lis & causa in partibus coram dilecto quoque filio & Sedis prædictæ Nuncio nostro apud Illustrem Poloniae Regem commorante inter dictos Clericos regulares Societatis Jesu ex una, & primodictos Clericos regulares ex altera partibus, super observatione memorati decreti introducta extitit: ac dictus Nuncius noster provide considerans, instantiam dictorum Clericorum regularium Societatis Jesu adversus dictas nostras literas, motu, scientia & potestatis plenitudine prædictis, ut præfertur, expeditas, esse promotam; ideoque super ea animum nostrum requirere existimavit; Nosque super hac re mature procedere volentes, eandem Congregationem particularem, videlicet Leandri & Petri Aloysii Cardinalium & dilecti filii nostri Johannis Antonii dictæ S. R. E. Presbyteri Cardinalis Guadagni primodictorum Clericorum regularium Protectoris, in prædicti Prosperi Cardinalis defuncti locum successi, assignato ei etiam dicto Nazianzeno Archiepiscopo in Secretarium, iterum, instituímus, illique Clericorum regularium Societatis Jesu Civitatis Vilnensis, & Universitatis seu Academiae hujusmodi privilegia, ac primodictum decretum, literasque Benedicti prædecessoris pro ejus confirmatione, ut præfertur, editas hujusmodi, necnon rationes per eosdem Clericos regulares Societatis Jesu in scriptis allatas, examinandi præcipuam curam commisimus. Et dicta Congregatio particularis die IX mensis Septembris Anni proximè præteriti MDCCXXXII. *auditis primodictis Clericis regularibus, qui à Scholis piis denominantur, ac mature rimatâ scripturâ legali Universitatis seu Academiae Vilnensis Clericorum regularium Societatis Jesu, à prædicto Nuncio nostro transmissâ, ac dilecto filio Procuratore generalidictorum Clericorum regularium Societatis Jesu requisito consulendum esse nobis, quod scriberetur per literas Secretariae nostrae Status eidem Nuncio nostro, decretum prædictum dicto Anno MDCCXXVII. in causa Vilnensi apertionis domus & Scholarum piarum emanatum ac literas Apostolicas dicti Benedicti prædecessoris super ejus confirmatione in forma Brevis, ut præfertur, expeditas non obstare primodictis Clericis regularibus ad effectum aperiendum in Civitate Vilnensi Scholas publicas, etiam scientiarum majorum, attentâ constitutione*



ac declaratione nostris prædictis sub die prima Maji Anno  
MDCCXXXI. emanatis, ad formam tamen ejusdem constitu-  
tionis, neque constare de prætensa privativa Vniuersitatis  
seu Academiæ Vilnensis quoad scientias philosophicas & the-  
ologicas, etiam morales, aliasque etiam inferiores, censuit:  
Factaque deinde per dictum Archiepiscopum eadem die  
IX. Septembris de hac ultima resolutione seu decreto  
prædictæ Congregationis particularis, Nobis relatione,  
illi benigne annuimus atque ultimo dictam resolutionem  
seu decretum pro ejus adimplemento, prædicto Nun-  
cio nostro transmitti mandavimus, dictusque Nuncius  
noster ultimo dictæ resolutioni seu decreto sibi transmis-  
so, ut par erât, inhærens, illud non solum voce palam  
fecit, sed etiam scriptis, prolata formali sententia, cujus  
tenor est: *Christi nomine invocato, pro tribunali sedentes &*  
*solum Deum præ oculis habentes, per hanc nostram definitivam*  
*sententiam, quam in his scriptis ferimus in causâ & causis,*  
*quæ primo & in prima coram nobis seu alia veriori versa fu-*  
*erunt & vertuntur instantia, inter R. P. Sebastianum à san-*  
*cto Stanislao Procuratorem generalem causarum Clericorum*  
*regularium Matris Dei Scholarum piarum Provinciæ Polo-*  
*niæ & Lithvaniæ, nomine, de quo in actis, actorem ex una*  
*& R. P. Paulum Striiencki Procuratorem generalem causa-*  
*rum Provinciæ Lithvaniæ Societatis Jesu, nomine pariter, de*  
*quo in actis, reum conventum ex altera, partibus, de & su-*  
*per observatione & executione Constitutionis Sanctissimi Do-*  
*mini Nostri CLEMENTIS Papæ XII. sub datum Kalendis*  
*Maji MDCCXXXI. editæ favore Clericorum regularium*  
*Pauperum Matris Dei, qui a Scholis piis denominantur, re-*  
*busque aliis in actis causâ & causarum hujusmodi ad quæ &c.*  
*dicimus declaramus & definitive sententiamus, superscriptam*  
*Constitutionem Sanctissimi Domini Nostri Papæ ad literam, &*  
*prout sonat, fore, & esse exequendam, & in omnibus & per omnia*  
*observandam, prout per præsentem exequi & observari volumus*  
*& mandamus, signanter declarantes in casu, licuisse Clericis re-*  
*gularibus Pauperibus Matris Dei, a Scholis piis denominatis,*  
*Domus Vilnensis publicas Scholas aperire, ac etiam licere sci-*  
*entias majores in prædictis suis Scholis publicis tradere, &*  
*in easdem pueros nobiles & divites admittere, & pro præ-*  
*missorum effectu mandatum de exequendo, & aliud quodcum-*  
*que, desuper necessarium & opportunum, decernimus & rela-*  
*xamus ac exequi volumus & mandamus &c. Ita pronunciavi*  
*Ego C. Archiepiscopus Iconiensis Nuncius Apostolicus, lato,*  
*lecta & publicata &c. Stephanus Skwarezyński Vicecancell-*  
*larius. Insuper dicti Clerici regulares Societatis Jesu*  
*præmissis minime acquiescentes, a Nuncio nostro ejus-*  
*que sententia appellationem, quæ ab eodem Nuncio,*

pro-



prout juris erat, rejecta fuit, ad nos, & Apostolicam Sedem interposuerunt.

Nos igitur, qui quascumque contentiones & dissidia à Religiosis familiis amovere studemus, eorundem Clericorum regularium Pauperum Matris Dei, præcipuè circa illorum pias Scholas, in Civitate Vilnensi existentes, tranquillitati, & quieti, quantum cum Domino possumus, consulere cupientes, eosque & eorum singulos specialibus favoribus & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris & pœnis, à jure vel ab homine quavis occasione vel causa latis, si quibus quomodolibet innodati existunt ad effectum præsentium tantum consequendum, harum serie absolventes & absolutos fore censentes, ac litis & causæ prædictarum inter utrosque Clericos regulares, olim, ut præfertur, pendentium, status & merita & decreti dictæ Congregationis prædictorum Cardinalium negociis Episcoporum & Regularium Præpositorum, ut præfertur, emanati, ac literarum Apostolicarum dicti Benedicti prædecessoris pro illius confirmatione editarum, & unius ac alterius Congregationis particularis prædictæ resolutionum seu decretorum ac nostrarum per Nos, ut præfertur, editarum, ac Pauli, Gregorii, Urbani, Alexandri, & utriusque Clementis Prædecessorum prædictorum, primodictos Clericos regulares quomodolibet respicientium literarum Apostolicarum ac statutorum hujusmodi, & quorumcumque in capitulis generalibus primodictorum Clericorum regularium conditorum, decretorum, omnium & singulorum tenores, etiam veriores ac datas, præsentibus pro plene & sufficienter expressis, ac de verbo ad verbum insertis habentes, necnon litem & causam hujusmodi per dictos Clericos regulares Societatis Jesu contra primodictos Clericos regulares, in Civitate Vilnensi commorantes ut præfertur, introductas, quatenus opus sit, ad Nos & Sedem prædictam avocantes, illasque, & apellationem per eosdem Clericos regulares Societatis Jesu, ut præfertur, interpositam, penitus & omnino extinguentes & supprimentes, ac super eis perpetuum silentium imponentes, motu proprio, & ex certa scientia, ac deliberatione, nostris, deque Apostolicæ potestatis plenitudine decretum Congregationis eorundem Cardinalium, negociis & consultationibus Episcoporum & regularium Præpositorum, ut præfertur, editum & literas Apostolicas ejusdem Benedicti Prædecessoris super decreti hujusmodi confirmatione in forma Brevis confectas, ita ut illa imposterum per dictos Clericos re-

V.  
Summus Pontifex hujusmodi lites ad se avocatas prorsus extinguit.



gulares Societatis Jesu in quodcumque judicium, vel extra illud nunquam deduci possint, dicta Apostolica auctoritate, tenore præsentium, perpetuo revocamus, rescindimus & abrogamus. Et ultimodictam resolutionem seu decretum per Congregationem particularem, ut præfertur, emanatum, & sententiam, deinde per eundem Nuncium nostrum favore primodictorum Clericorum regularium latam, auctoritate nostra perpetuo confirmamus & adprobamus, illisque perpetuæ & inviolabilis Apostolicæ firmitatis robur adjicimus, omnesque & singulos tam juris, quam facti, & solemnitatum, ac quoscumque alios quantumvis substantiales defectus, si qui desuper quomodolibet intervenerint, in iisdem supplemus.

VI.

Summus Pontifex priorem suam Constitutionem pro Clericis regularibus Pauperibus Matris Dei undequaque confirmat.

Ac de prætenfa facultate Universitatis seu Academiæ Vilnensis publice docendi scientias majores privativè quoad alios, minime constituisse minimeque constare, & vigore dictarum literarum nostrarum, *Nobis, quibus, incipientium, primodictos Clericos regulares, etiam in Civitate Vilnensi Scholas publicas retinere, inibique scientias etiam majores adolescentibus cujusvis conditionis & ordinis tradere, ac etiam Collegia, Seminaria & Convictus in suam curam & regimen recipere, Apostolica auctoritate perpetuè statuimus & declaramus. Insuper eadem auctoritate, dictam nostram Constitutionem in reliquis ibidem expressis firmam, salvam & illæsam existere & censeri debere quoad omnia & singula, in ea, in favorem dictorum Clericorum Pauperum Matris Dei, contenta confirmamus, & Vilnæ, ac ubique locorum inviolabiliter observari mandamus, dictamque resolutionem & decretum Congregationis particularis, & memorati Nuncii nostri sententiam, ac prædictas nostras præsentisque literas, & in eis contenta & expressa quæcumque nullo unquam tempore de subreptionis vel obreptionis, aut nullitatis vitio vel intentionis nostræ, etiam ex eo, quod causæ, propter quas præmissa emanarunt coram Nobis vel alibi adductæ, verificatæ & justificatæ, ac dicti Clerici regulares Societatis Jesu Civitatis Vilnensis, ac Universitatis, seu Academiæ prædictæ Rectores seu Conservatores ac Administratores & quicumque alii, in præmissis, & circa ea jus vel interesse habentes, aut habere prætendentes, ad id vocati & auditi non fuerint; & consensum suum eisdem præmissis non præstiterint, aut alio quovis defectu, etiã quantumvis magno & substantiali, sive etiam ex eo, quod in eis solemnitates, ac quævis alia servanda & adimplenda, servata & adimpleta non fuerint, aut ex quocumque alio capite, etiam in corpore juris clauso,*

&



& quovis alio prætextu, vel causa etiam quantumvis legitima, justa & privilegiata ac publicum & commune bonum respiciente, quæque ad effectum validitatis præmissorum exprimenda foret, notari, impugnari, invalidari, retractari, in jus vel controversiam vocari, ad viam & terminos juris reduci, aut adversus illas quodcumque juris vel facti, aut gratiæ remedium, aut oris apositionem impetrari, neque illas sub quibusvis similibus vel dissimilibus gratiarum revocationibus, suspensionibus, limitationibus derogationibus, aut aliis contrariis dispositionibus comprehendi; sed semper ab illis excipi, & quoties illæ emanabunt, toties in pristinum & validissimum statum restitutas repositas & plenarie reintegratas, ac de novo etiam sub quacumque posteriori data per primodictos Clericos regulares, à Scholis piis denominatos nunc & pro tempore existentes, quodcumque eligenda, concessas, illasque validas, & efficaces, fore & esse, suosque plenarios & integros effectus in omnibus & per omnia sortiri & obtinere, ac primodictis Clericis, nunc & pro tempore existentibus, in omnibus & per omnia plenissime suffragari; sicque & non alias per quoscumque iudices ordinarios vel delegatos, quavis auctoritate fungentes, etiam causarum Palatii nostri Apostolici Auditores, & dictæ sanctæ Romanæ Ecclesiæ Cardinales, etiam de latere Legatos, Vicelegatos, dictæque Sedis apud dictum pro tempore existentem Illustrem Poloniæ Regem commorantes, aliosque Nuncios, & quoslibet alios quavis auctoritate, potestate, prærogativa, honore & privilegio fungentes, sublata eis & eorum cuilibet quavis aliter judicandi, definiendi & interpretandi facultate & auctoritate, judicari, definiiri & interpretari debere, & quidquid secus super his à quoquam quavis auctoritate, scienter vel ignoranter contigerit attentari, irritum & inane decernimus.

Non obstantibus iis omnibus, quæ nos in eisdem nostris literis volumus non obstare, ac nostra & Cancellariæ prædictæ regula de jure quæsito non tollendo, ac constitutionibus & ordinationibus Apostolicis, dictorumque Clericorum regularium Societatis Jesu, ac Universitatis seu Academiæ prædictæ, etiam juramento, confirmatione Apostolica, vel quavis firmitate alia roboratis statutis & consuetudinibus, privilegiis quoque indultis, & literis Apostolicis, de quibus omnibus, etiamsi specialis specifica, expressa ac individua mentio habenda esset, dictis Clericis regularibus Societatis Jesu, ac Universitati seu Academiæ hujusmodi, illiusque Rectoribus seu conservatoribus ac administratoribus prædictis, aliisque su-



perioribus & personis quibuscumque alias in contrarium præmissorum quomodolibet concessis, confirmatis, & approbatis.

VII.  
Clausula derogatoria.

Quibus omnibus & singulis quamvis pro eorum sufficienti derogatione de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes mentio, aut quævis expressio facienda, siue aliqua alia exquisita forma ad hoc servanda esset illorum tenores his nostris pro plene & sufficienter expressis, ac de verbo ad verbum insertis habentes, illis alias in suo robore permansuris, specialiter & expresse motu, scientia, deliberatione, & potestatis plenitudine, ad præmissorum effectum dumtaxat, plenissime derogamus, & derogatum esse volumus, ceterisque contrariis quibuscumque.

VIII.  
His literis ubique fides adhibeatur.

Volumus autem, ut earundem præsentium literarum transumptis, siue exemplis etiam typis impressis, manu alicujus notarii publici subscriptis, & sigillo personæ in Ecclesiastica dignitate constitutæ, vel dictorum Clericorum Regularium pauperum Matris Dei, qui à Scholis piis denominantur Præpositi generalis munitis eadem prorsus fides in iudicio & extra adhibeatur, quæ iisdem præsentibus, si forent exhibitæ, vel ostensæ, adhiberetur.

IX.  
Nemini eas infringere liceat.

Nulli ergo omnino hominum liceat hanc paginam nostræ absolutionis, revocationis, rescissionis, abrogationis, approbationis, confirmationis, roboris adjectionis, defectuum suppletionis, statuti, decreti, declarationis, derogationis, & voluntatis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctam Mariam majorem Anno Incarnationis Dominicæ MDCCXXXIII. pridie Kalendas Julii Pontificatus nostri Anno tertio.

A. Card. Prodatarius. F. Card. Oliverius.

VISA

De Curia J. Archiepiscopus Ancyranus.

Loco & Plumbi.

D. Stivanus.

Registrata in Secretaria Brevium.





